

Desaroyo nobo:

Paulus a bay haci su oficina limpi



Paulus van der Sloot:
"Cleaning his desk".

ORANJESTAD (AAN): E criticanan ta bin for di Aruba, for di Merca, y hasta for di Hulanda. Na luna di Juni, un monton di critica a bin riba

famia Van der Sloot y cu nan lo a ricibi trato preferencial di Husticia Arubano, aunke esaki nunca a worde proba.

Paulus van der Sloot ta tata di Joran, y el á worde deteni pa algun dia tambe door di Ministerio Publico. E mesun persona aki a tene un encuentro 'cara-a-cara' cu Beth Twitty y e periodista Greta van Susteren, durante cual Paulus su curpa tabata yen di sudor constantemente, no obstante e ta sinta bao di un Ceiling-Fan.

Na Merca, varios persona cu a mira e entrevista cu Paulus, a haci analisis di e videotape y algun experto a bisa cu aparentemente e persona aki sa "mas" di loke e ta aparentando.

Pa algun dia y siman, e enfoke riba e famia a calma un poco. Pero Diamars algo nobo a socede na Corte di Husticia.

Fuentenan a muestra, cu du-

rante dia diripiente Paulus a presenta na Palacio di Husticia Arubano, unda el a "haci su oficina bashi". El a sali back cu cantidad grandi di su pertenencianan y tambe su documentonan.

Esey tabata un señal clave,

cu e lo no ta regresando mas eynan.

E caso serio di desaparicion di Natalee, kizas a pone cu e mes a tuma e decision pa no sigui traha eynan mas, of posiblemente e lo a haya retiro?

Sinembargo ningun persona den Corte kier a confirma si acaso el a haya retiro of no. Algo ta sigur, esta cu el a cuminsa haci su oficina bashi, cu e pensamiento di lo no regresa mas.